

Die neütt vigur.

Item so will ich ein anndere propozionn anzeigen in einer virung/  
**I**stellenn so mach/ Züm ersten ein ablange Linj setz obenn . 1. vnd  
vntenn . 2. vnnnd mach ein kreutzweyse linj wie es vor annzeygt ist da/  
setz du an das ein ort . 3 . vnnnd an das annder . 4 . vnd nim ein zirckel/  
vnnnd setz in Mitten in den kreutz punct vnnnd thudu in so weit auff/  
als du die virung wilt habenn/ vnnnd Reys den zirckel kring herumb  
vnnnd nim den zirckel / vnnnteruck vnnnd nim denn ein fus / vnnnd setz in/  
den punct . 1 . vnd nim denn ein fus reys herumb bis auff den zirckel  
ris vnnnd obenn hin auff / setz ein . a . vnnnd far herumb wider zu dem /  
zirckel da setz ein . b . vnnnd Nim denn zirckel vnd setz in mitt dem fus/  
auff . 3 . vnnnd mit dem ein fus Reis herumb bis auff das . a . vnd laß  
den zirckel herumb gehen / wie du for hast getun / da setz ein . c . vnnnd/  
nim den ein fus / vnnnd setz in in das . 2 . vnd mit dem ein fus / zeu her  
umb bis zum . c . vnnnd mit dem ein fus Reis herumb / bis auff den zir  
ckel Bis da setz ein . d . vnnnd nim den zirckel herwider vmb vnnnd setz in  
auff . 4 . vnnnd thu wie du for hast getun Reis herumb mit dem ein fus  
zum . b . bis zu dem zirckel / thu du Im vnten auch also bey dem . d . /  
vnnnd nym ein Richtscheytt vnd mach ein Linj vom . a . bis zum . b .  
vnnnd da sich die Linj vber einander schlagen / so thu geringß herumb  
bis du ein virung hast / vnd teyl die ober linj aus / In achteyl vnd nim  
die mitleren zwey teyl vnd mach ein ablange linj auff peyden seyden  
herab / teyl vom . a . bis zu . 3 . zu der Rechten hand in funff teyl nym  
nym ein achteyl von der obern Linj vnd setz obenn zum Kopff auff  
die mitlern Linj vnnnd nym auff der seyten der selbenn teyl eins vnd  
setz vber zwerg des kopffs vnd teyl die selbig ablang virung in vier teyl  
herab vnnnd nym der selbenn teyl eins / vnd setz herab bis zum hals gras  
blein / da mach ein Linj vber zwerg zeu ein linj vom . a . bis zu der  
achffel da die zwü Linj zusammen stoffenn zeuch die linj bis zu der ann  
dern linj auff der seyten Nun so thue auff der anderenn seyden auch  
also bey dem . b . do sich die kreutz linj vber ein schlagen vnd vnten  
da sich die Linj an ein ander stoffen da mach ein linj vber zwerg vnter  
der prust / vnnnd nym von der selben Linj oben hinauff bis zum hals /